

通志卷之三

通鑑綱目前編卷之二十二

明史官陳仁錫評閱

壬午

周敬王

元年夏六月蔡侯東國卒于楚

在位三年

弟申立

是為昭侯

秋七月吳敗頓胡沈蔡陳許之師于雞父胡子

髡沈子逞滅獲陳夏齧

巫臣所謂能于奔命者是也

左氏曰吳人伐州來楚薳越帥師及諸侯之師奔命救州來吳人禦諸鍾離子瑕卒楚師

通鑑綱目 卷二十二
燔吳公子光曰諸侯衛於楚者衆而皆小國也。不獲已來。胡沈之君勿而狂。陳大夫壯而頑。頓與許蔡疾楚政。楚令尹死。帥賤政。令不一。若分師先犯胡沈。與陳必先奔。諸侯之師。挫。楚必大奔。請先者去。備薄威後者敦。陳整旅。吳子從之。戰于鷄父。三國敗。獲胡沈之君。及陳大夫。楚師大奔。

天王居于狄泉

國語曰。卽位館于子旅氏。單子劉子以王如。劉卽狄泉。謂之東。王子朝入于王城。謂之西。王時在城外。居于狄泉。言未得京師也。

尹氏立子朝

左氏曰：單子取訾，劉子取墻，人直人，王子朝入于尹尹，圍誘劉，佗殺之。單子劉子伐尹，單子先至而敗。劉子還，召伯與南宮極以成周人戍尹。單子劉子樊齊以王如劉，王子朝入于王城，次于左巷。秋七月，鄆羅納諸莊，宮尹辛敗劉師于唐，又敗諸鄆，取西闌，攻蒯蒯潰。○林氏曰：尹氏尹文公圍周世卿也。○與極二子周卿，王子朝黨也。

八月乙未地震，丁酉南宮極震。

左氏曰：南宮極震，萇弘謂劉文公曰：君其勉之，先君之力可濟也。周之亡也，其三川震，今

天象
變正
之大者
故天亦

西王之大臣亦震天奔之矣東王必大克○
杜氏曰經書乙未地震魯地也傳書丁酉南
宮極震周地亦震也為屋所壓而死

癸未 二年 蔡昭侯 春正月王在狄泉

二月王子朝入于鄔

左氏曰召簡公南宮嚳以甘桓公見王子朝
劉子謂萇弘曰甘氏又往矣對曰何害同德
度義太誓曰紂有億兆夷人亦有離德余有
亂臣十人同心同德此周所以興也君其務
德無患無人戊午
王子朝人于鄔

公道不泯
乎人心

三月晉侯使士景伯朝于京師

左氏曰晉侯使士景伯涖問周故士伯立于
乾祭而問於介衆晉人乃辭王子朝不納其
使○林氏曰乾祭王城北門也士伯立于此
問大衆以敬王子朝之曲直衆言子朝曲故
辭之不納
子朝之使

夏五月乙未朔日有食之

鄭伯如晉

左氏曰鄭伯如晉子太叔相見范獻子獻子
曰若王室何對曰老夫其國家不能恤敢及

大叔言
之功重于
三軍
何其泄泄

上室抑人亦有言曰、嬖不恤其繇、而憂宗禍
之隕、爲將及焉、今王室實蠢蠢焉、吾小國懼
矣、然大國之憂也、吾儕何知焉、吾子其早圖
之、詩曰、餅之罄矣、維嚚之耻、王室之不寧、吾
之耻也、獻子懼、而與宣子圖之、乃徵
會于諸侯、期以明年、○蠢蠢動擾貌

秋八月杞伯郁釐卒

在位十年
子成嗣

冬吳滅巢

左氏曰、楚子爲舟師以畧吳疆、沈尹戌曰、此
行也、楚必亡邑、不撫民而勞之、吳不動而速
之、吳踵楚而疆場無備、邑能無亡乎、越公子
倉及壽夢帥師從王、三及圍陽而還、吳人蹙

楚而邊人不備遂滅巢及鍾離而還沈尹戌曰亡郢之始於此在矣○胡氏曰巢楚附庸實邑之也○壽慶越大夫

甲申三年元悼公夏晉趙鞅宋樂大心魯叔詣衛

北宮喜鄭游吉曹人邾人滕人薛人小邾人會

于黃父黃父楚地

因予太叔之始徵會諸侯期以明年矣今復云明年納王是

左氏曰會諸侯於黃父謀王室也趙簡子令諸侯之大夫輸王粟具戍人曰明年將納王宋樂大心曰我不輸粟我於周爲客若之何使客士伯曰自踐土以來宋何役之不會而

不以君
為念也

射則公臣
不能具三
耦萬則舞
者二人傷
哉微也

何盟之不同、曰同恤王室、子焉得辟之、右師
不敢對、受牒而退、○右師樂大心

秋九月魯侯出奔齊次于陽州

左氏曰季平子以季姒之譖殺申夜姑、公若
為之請、不得、怨平子、季郈之雞鬪、季氏介其
鷄、郈氏為之金距、平子怒、益宮於郈氏、且讓
之、故郈昭伯亦怨平子、臧會為讒於臧氏而
逃於季氏、臧氏執旃、平子怒、拘臧氏老將禘
于襄公、萬者二人、其衆萬於季氏、大夫遂怨
平子、公若獻弓於公為、且與之出射於外、而
謀去季氏、公為告公果、公賁、二子使侍人僚
粗告昭公、公執戈以懼之、乃走、又使言、公曰
非小人之所及也、公果自言、公以告臧孫、臧

孫以難告郈孫。郈孫以可勸告子家懿。伯懿伯曰：「讒人以君徼幸，事若不克，君受其名，不可爲也。」叔孫昭子如闕，公居於長府。九月戊戌，伐季氏，殺公之于門，遂入之。平子登臺而請曰：「君不察臣之罪，使有司討臣以干戈，臣請待於沂上以察罪。」弗許。請囚於費，弗許。請以五乘亡，弗許。子家子曰：「君其許之，政自之出久矣。隱民多取食焉，爲之徒者衆矣。衆怒不可蓄也。蓄而弗治，將蘊蘊蓄民將生心，同求將合。君必悔之，弗聽。」郈孫曰：「必殺之。」公使郈孫逆孟懿子、叔孫氏之司馬驪戾言於其衆曰：「我家臣也不敢知國，凡有季氏與無於我孰利？」皆曰：「無季氏，是無叔孫氏也。」驪戾帥徒以往，公徒釋甲執水而踞，遂逐之。孟氏使

昭季已專
有魯國雖
昭公在位
亦何所不
得志而必
欲成逐君
之名故昭
之失國昭
之自貽感
也不奪其
權于平日
而欲拔其
根于一月
其可倖哉

登西井隅以望季氏見叔孫氏之旌以告孟氏執郈昭伯殺之遂伐公徒子家子曰諸臣偽劫君者而負罪以出君止意如之事君也不敢不改公曰余不忍也遂行己亥公孫于齊次于陽州○讓責也萬舞也

齊侯唁曾侯于野井

左氏曰齊侯將唁公于平陰公先至于野井齊侯曰自莒疆以西請致下社以待君命寡人將帥敝賦以從執事唯命是聽君之憂寡人之憂也公喜子家子曰天祿不再天若胖君不過周公以魯足矣夫魯而以干社爲臣誰與之立且齊君無信不如早之晉弗從滅

子家從亡
孤忠無援
人情所難

昭伯率從者將盟以公命示子家子家子
曰羈也不佞不能與二三子同心而以爲皆
有罪或欲通外內且欲去君二三子好亡而
惡定焉可同也陷君於難罪孰大焉乃不與
盟

冬十月戊辰魯叔孫婁卒

左氏曰昭子自闕歸見平子曰人誰不死子
以逐君成名不亦傷乎平子曰苟使意如得
政事君所謂生死而肉骨也昭子從公于齊
與公言子家子命適公館者執之公與昭子
言於幄內曰將安衆而納公公徒將殺昭子
伏諸道左師展告公公使昭子自鑄歸平子

有異志冬十月辛酉昭子齊
於其寢使祝宗祈死戊辰卒

十一月宋元公卒于曲棘

在位十五年

子頭曼嗣

是為

景公○曲棘宋地

昭子死宋元卒果夫亡昭耶

胡氏曰按左氏宋元公為魯昭公故如晉卒于曲棘宋元之夫人曹氏生子妻意如則宋元意如之外舅也不此之顧而求欲納公是以正倫恤患為心而不匿其私親之惡者其賢於當時諸侯遠矣

孔子自魯適齊

昭子死宋元卒果夫亡昭耶

論語曰齊景公問政于孔子孔子對曰君君臣臣父父子子景公曰善哉信如君不君臣不臣父不父子不子雖有粟吾得而食諸。又曰子在齊聞韶三月不知肉味曰不圖爲樂之至於斯也。○家語曰齊大旱春饑景公問於孔子曰如之何對曰凶年力役不興馳道不修所以幣玉祭祀不懸祀以下牲此賢君自貶以救民之禮也又曰管仲鏹簋而朱紼旅樹而反坫山節藻梲賢大夫也而難爲上晏平仲祀其先祖而豚肩不揜豆一狐裘三十年賢大夫也而難爲下君子上不僭下下不偏上。○史記曰昭公奔齊魯亂孔子於是適齊爲高昭子家臣以通乎景公景公欲以廩丘之邑爲孔子養辭不受謂弟子曰吾

聞之、君子當有功受賞、今吾言而君未行、乃先賜邑、其不知丘亦甚矣、

乙酉四年

宋景公元年

春三月魯侯至自齊居于鄆

秋齊侯魯侯莒子邾子杞伯盟于鄆陵

左氏曰盟于鄆陵謀納魯昭公也

九月楚子居卒

平王在位十三年

子軫嗣

是為昭王

左氏曰楚平王卒、令尹子常欲立子西、曰太子壬弱其母非適也、王子建實聘之、子西長而好善、立長則順、建善則治、可不務乎、子西怒曰、是亂國而惡君王也、國有外援、不可清

詳左氏所
載王之入
成周不勝
其矣

也王有適嗣不可亂也敗親速讐亂嗣不祥
吾滋不從也楚國何爲必殺令尹令尹懼乃
立昭王○
王昭王也

冬十月王入于成周尹氏召伯毛伯以王子朝
奔楚

左氏曰往年尹氏涉于鞏焚東訾弗克單子
如晉告急劉人敗王城之師于尸氏王城人
劉人戰于施谷劉師敗績劉子以王出宿于
褚氏次于滑晉知躁趙鞅帥師納王使女寬
守闕塞王起師于滑遂次于尸晉師克鞏召
伯盈逐王子朝王子朝及召氏之族毛伯得

尹氏固南宮嚚奉周之典籍以奔楚陰忌奔
莒以叛召伯逆王于尺及劉子單子盟遂軍
圉澤次于隄上王入于成周盟于襄宮
晉師使成公般戍周而還王入于莊宮

丙戌五年

昭王元年

夏吳弑其君僚

僚在位十年遇弑

諸樊

之子光立

是為閭閻

左氏曰吳子欲因楚喪伐之使公子掩餘燭
庸帥師圍潛使延州來季子聘上國遂聘于
晉以觀諸侯楚莠尹然工尹麋帥師救潛左
司馬沈尹戌帥都君子與王馬之屬以濟師
左尹郤宛工尹壽帥師至潛吳師不能退吳
公子光曰此時也不可失也告鱄設諸曰我